

Инвалидмүдиг эвинь олдж кӧдлгхмн

„СССР-н гражданмуд кӱч-кӧлснӧ зӧв эдлнӧ“ — гидж Советск Конституцин 118-ч статьяд келгдджӧнӧ.

Мана орн-нутгт шавла, эс-гидж гемлӧ харгъад, зӧрм кӱч-кӧлсӧн геегӧд, инвалид болсн гражданмуд зӧвтӧ кӧдлмшӧр теткӧднӧ.

Инвалид икзунь селӧн газр-мудар бӧӧршдж, селӧнӧ эдлаху ӧргджӱллгӧнд кӧдлджӧцхӧнӧ. Тедн дунд мӧчӧн геесн улс чигн бӧӧцхӧнӧ.

Тӧрскӧн харсгч дӧӧнд кӧлӧн ӧгсн III-ч группин инвалид Севашов Василий Пантелеевич, ода Сарпинск района „Сарпинский“ совхоздах хӧбчӧр кӧдлджӧнӧ. Ӯр Севашов 1956 джиглин туршарт хӧбдӧн нег чигн гару угагъар хадгълад, хӧбдӧсн ноос икӧр авсндан кесг мингӧн арслнгар мӧрӧлгдлӧ.

Западн района „Пролетарская победа“ колхозд Тӧрскӧн харсгч дӧӧнӧ II-ч группин инвалид Бегуров Хулхач Бадмаевич колхоздан тоомсрта кӧдлмшч болдж тоолгдджана.

Каспийск района „Красный моряк“ колхозд загъсч болдж, Тӧрскӧн харсгч дӧӧнӧ инвалид Бутенко Петр Петрович кӧдл-

нӧ. Сарпинск района Мало-Дербетовск МТС-д III-ч группин инвалид Толмачев Николай Егорович тракторист болдж кӧдлджӧнӧ.

Государственн учрежденьсӧр болн предприятъсӧр, колхозмудин болн совхозмудин малин фермсӧр кесг олн инвалидмӱд социалистическ дӧрлдӧнд орлцдж, тӱрӱн нӱӱрт йовцхана.

Кӱч-кӧлснӧ, Тӧрскӧн харсгч болн гражданск дӧӧнӧ инвалидмӱдт государств ик онгӧн ӧгч, пенсӧс талдан (теднӧ гем шалтгарнь хӧладж) гермӱд бӧрдж ӧгсн деерӧн протез, велосипед болн мотоциклӧр теткнӧ.

Болв онц гардачнр инвалидмӱдиг кӧдлджӧх кӧдлмшӧснь йосн бишӧр гаргъад, кӧдлмшт авлго бӧӧсн деерӧн, кӧдлджӧх газрнь теднд бӧӧдл-джиргълднь нӧкд болдго йовдлмӱд бас бӧӧнӧ.

Эдниг бийсиннь дурар, чидхчадх кӧдлмштнь орулдж медрл дасхдж кӧдлгх — партийн, советск гардачнрин эркн тӧр.

П. ПОЧТАРЕВ,
Танггъчин социальн тетклггнӧ
ах инспектор.